



КОМСОМОЛОНЬ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ИЮНЬ
19-це шистонза
1941 кизоня
68(1864)
Питнец 10 тр.

ТИСАСЬК ВЕЛЕТНЕНЬ БЛАГОУСТРОЕННАЙКС

Ромодановский районнь «Свобода» колхозонь комсомольце лихнесть питни инициатива велеса образцовый порядк и чистотат тиеманц коряс и танди сергядезь Мордовиянь сембе комсомольский организациятненъ.

ВЛКСМ-нь Мордовский обкомъ эсь решениясонза обязал «райкомонь и первичнай комсомольский организациянь секретархненъ обсуждаме тя сёрматъ открытай комсомольский и од ломанень собраниятненъ эса, и примаме конкретнай мероприятия, конат обеспечиндалезь комсомольский организациятненъ участиясон колхознай велетненъ благоустройствасон инкса тюремаса».

Аф кржа комсомольский организация кемоста кярмодсть ВЛКСМ-нь обкомъ тя постановленийнц эряфе этафтоманцы. Козловский районнь «Виде ки» колхозонь комсомольский организациясь, обсуждиндамок эсь собраниясонза «Свобода» колхозонь комсомольценъ сёрмасон, кярмодсть тевти. Комсомольце коннай пирьфть и ферманъ помещениятненъ перьф озафнесть акацият и американский шукштуруфкет.

Оцю работа мольфтихть колхознай велетненъ благоустройстваса Рыбинский районнь Волгапина, Поникедовка, Од Толковка и Сире Толковка велень комсомольский организациятне. Синь эсь велесон благоустройстваса работатненъ лувондсаз эстейт почетнай работакс. Сире Толкуса эрь комсомолецъ эсь кудонц перьф озафнесть шуфтонят. Черемисса комсомольценъ вийса улыцятненди тиф чистота и порядок.

Райцентранъ комсомольце и аф союзнай од ломатне тя тевса ащихть примерк и инициаторкс. Райсоветонъ исполкомъ и лия районнай учреж-

дениятненъ перьф озафнесть шуфтонят, конатненъ мельге ладясть цебарь уход.

Велети культурнай видонъ тиемат лувондсазъ насущнай задачкас Зубово - Полянский районнь Анаева велень комсомольце. Синь эсь личнай примерсост мобилизовандазъ велень сембе од ломатненъ улыцятненди чистотанъ тиемати. Средний школатъ и больницатъ маласта мусорсь урыдаф.

Кода наеви, што лама комсомольский организация кемоста тюрсть и таниенге тюрхитъ велети образцовай, культурнай видонъ тиемаса.

Но ня сатфкене нинге ёмлат. Аф сембе веленьке ащихть культурнай видса. А комсомольский организациятне тянь лангс ваныхть равнодушнайста, лувондсазъ эсь работасост улыцятненди чистотанъ и порядканъ тиемат второстепеннай важностень тевкс. Тянь мархта и азондови ся, што лама комсомольский организация тя важнай тевть шири аф шарфни кодамовок малья.

Кой-кона ВЛКСМ-нь райкомтне ащихть ширеса и аф вятихть пцтай кодамовок руководства первичнай комсомольский организациятненъ эса велетненъ благоустройствасон колга кизефкеть коряс. Тяфтамкс ащихть ВЛКСМ-нь Сире-Шайговский и Рузаевский райкомтне. Ня райоттненъ эса комсомольский организациятненъ ламошкасна эсь собраниясост ашезь обсуждаме «Свобода» колхозонь комсомольценъ сёрмасон.

ВЛКСМ-нь райкомтненди и первичнай комсомольский организациянь секретархненди эряви инь маластонъ пингть кярмодемс тя работати. Эряви шарьхкодемс, што велети культурнай видонъ тиемась ащи неотложнай задачкас.

КОЛМОЦЕ ВЫПУСКСЪ

Июнь 15-це шистонза Сире Драканъ средний школанъ 10-це классонъ ученикне-выпускникне этафтсть выпускной вечер.

Вечерса школатъ директороц приветствондазъ эсь воспитанниконзон цебарьста тонафнеманкса. Сон корхтась, што школасъ нолдазе колмоце

выпускть, и эрь кизоня сон сатни сяда и сяда оцю показателхть. Тяде 10-це классонъ сембе ученикне нолдафт средний образования мархта. 2 ломатне получасть отличнай аттестатт. 5 ломатне казъфт похвальной грамотаса.

С. Петрушин.
Ковылкинский район.

ССР-нь СОЮЗОНЪ НАРКОМФИНТЬ СООБЩЕНИЯЦ

Колмоце Пятилетканъ (нилеце кизонъ выпуск) Займати сёрматфтомась 1941 кизонъ 16-це июньти пачкодъ 10 миллиартт 834 миллион 229 тѣжянь цалковайс, лиякс мярьгомс займати ладяф сумматъ этазе 1 миллиард 334 миллион 229 тѣжянь цалковайда. Тянь инкса СССР-нь Наркомфинть СССР-нь СНК-ть указаниянц коряс макссь распоряжения Колмоце Пятилетканъ (нилеце кизонъ выпуск) Займатисяда товоддонъ подписать 1941 кизонъ 17-це июньта ушедомок лоткафтоме сембе вастова.

Профсоюзно-комсомольский кроссть молемац



СНИМКАСА: С. Шайгованъ райцентраса кроссонъ участникне-комсомолкатне (кержи ширде видити): М. Новиковасъ, Н. Ларькинась и Т. Кирюшкинась.

Фотосъ Ивенинтъ.

РЕСПУБЛИКАТЬ

эзга профсоюзно-комсомольский кроссть васень шинь результатонза

Чамзинский РК-сь, секретарсь — Пурцакин ялгасъ 1-це вастъ	
Зубово-Полянский » — Кондратьев ялгасъ 2-це »	
Рыбинский » — Офтин ялгасъ 3-це »	
Инсарский » — Лосев ялгасъ 4-це »	
Игнатовский » — Малькин ялгасъ 5-це »	
Саранский райкомсь » — Бочкарев ялгасъ 6-це »	
Торбеевский » — Степашкин ялгасъ 7-це »	
Краснослободский » — Тараскин ялгасъ 8-це »	
Б.-Березниковский » — Колина ялгасъ 9-це »	
Сире-Синдровский » — Голованова ялгасъ 10-це »	
Теньгушевский » — Казанцев ялгасъ 11-це »	
Ширингушевский » — Кучерова ялгасъ 12-це »	
Рузаевский горкомсь » — Соколов ялгасъ 13-це »	
Кочуровский » — Сурков ялгасъ 14-це »	
Козловский » — Ефремова ялгасъ 15-це »	
Кадошкинский » — Скворцова ялгасъ 16-це »	
Лямбирский » — Чугунова ялгасъ 17-це »	
Атяшевский » — Колянов ялгасъ 18-це »	
Саранский горкомсь » — Потемкин ялгасъ 19-це »	
Ромодановский » — Пятунин ялгасъ 20-це »	
Мельцанский » — Кадикин ялгасъ 21-це »	
Рузаевский райкомсь » — Чиждова ялгасъ 22-це »	
Пурдошанский » — Колесников ялгасъ 23-це »	
Лямбирский » — Шемет ялгасъ 24-це »	
Сире-Шайговский » — Дуденков ялгасъ 25-це »	
Темниковский » — Акимов ялгасъ 26-це »	
Ладский » — Шебулев ялгасъ 27-це »	

Примечания: ВЛКСМ-нь Ардатовский, Атюрьевский, Ельниковский, Дубенский, Ичалковский райкомонъ секретархне сведения кроссть этафтоманц колга ашестъ пачфть.

Физический вийнь демонстрация

Чамзинка велеса массовой профсоюзно - комсомольский кроссть васенце шипъ этазь организованнайста. 362 комсомолец и аф союзнай од ломанъ демонстрировандазъ эсь физический вийсон.

Лама од ломанъ максозъ васенце ступень ГТО-нь норматненъ. Комсомолецъ Ефимов ялгасъ 1000 метранъ дистанцият ласькозе 3 минутанъ пингста, Кузьмина комсомол-

касъ 500 метратъ — 1 минутаста, Розановъ 1000 метратъ — 3 минутанъ 11 секунданъ пингста.

Аф кальдяста этазь кроссть васенце шипъ пенькозаводса, «Новая жизнь» и «Новый путь» колхозненъ эса.

Лама вастова ласькомда меле комсомольце организовандакшнесть интереснай налкхсемат и максозъ норматненъ гранатанъ ёрмать коряс.

ТОРБЕЕВАСТА

Профсоюзно - комсомольский кроссонъ васень питненъ пингста Торбеевский районнь 693 юноша няфтезъ эсь ловкостьсон, вийсон. Тя лувксть ёткаса комсомольца 528 ломанъ и аф союзнай од ломаньда 165.

Лама комсомольский организация, вятемок оцю анокламанъ работа, сатсть кросса замечательнай показателхть. Тянь колга цебарьста корхтайся фактсь, што 426 участник максозъ 1-це ступень ГТО-нь значокс норматненъ и 239 участник максозъ ласькомас коря БГТО-нь значокс норматненъ.

ИНСАРАСТА

Инсарский районнь комсомольце и од ломатне оцю мяльса и сембе ширде аноклафста васьфтезъ оцю спортивной мероприятия — массовой профсоюзно - комсомольский кроссть.

Июнь 15-це шистонза, кроссть васенце шиста, ласькомас коря ГТО-нь значокс норматненъ максомаса примасъ участия 730 ломанъ. 577 комсомолец демонстрировандазъ эсь анокшисон любовай минутаста араме минъ социалистический родинаньконъ аралама, труда славнай подвигонъ тиемати.

Ряцек комсомольценъ мархта 153 од ломанъ этазъ дистанцият, и максозъ ГТО-нь значокс ласькоматъ коряс норматненъ.

Кроссонъ сембе 730 участниксь максозъ «Готов к труду и обороне» значокс норматненъ.

3.-ПОЛЯНАСТА

Стартть лангс арасъ и ласьксь финишти кроссонъ васенце шипа 1063 ломанъ. Йотай кроссене улыеть аф тяшкава массовойке, кода тя. 386 комсомолец, анокламок при выносливостень, вийнь смотрат, и максозъ ГТО-нь значокс норматненъ.

Од ломатне тяфтажа примосихть активнай участия кросса. 677 аф союзнай од ломанъ участвондась кросса, конатненъ ламосна максозъ норматненъ ГТО-нь и БГТО-нь значокненди.

КРАСНОСЛОБОДСКАЯСТА

Йотай ваймама шись шарфтьс спортивной оцю праздникокс. 636 комсомолец и аф союзнай од ломанъ кирдсть экзамен, кода синь занимадайтхъ физкультураса и спорта, кода синь анокт минъ родинаньконъ мирнай трудонц аралама.

636 участникъ эзда ГТО-нь и БГТО-нь значокс норматненъ максозъ 518 ломанъ.

Шефнень работаснон итогснон колга

Июнь васьень шинзон эзда должен аделавомс велень хозяйствань молоднякть лангса шефствондай пионерхнень, школьнихнень работаснон предворительный итогснон тиемасна. Тя пингть эзда эряви содамс, мзяра од шефта и шефствас еявф жуватада эрь школаса и районца, сяка пингть проверямс шефствас саявф жувататнень упитанностьснон и содамс сембода цебарьста работай шефнень. Синь показателсьнон тишесыне колхозонь председателсь характеристика лама.

СССР-нь Союзы Наркомзем июльста терди Всесоюзный сельхозвыставкв сембода цебарь шефнень эзда 1000 ломань, конат социалистический соревнованияс сатсь цебарь показателхть. Шефне выставквас васьехть ученайхнень мархта и тиф работаснон коряс полафнихть опыта.

Мордовияс лама район шефствань тевса сатсь аф калдыв результатт. Ичалковский районца 600 пионер и школьник вятихть шефства колхознай жувататнень лангса. Синь эздот Ичалковский средний школаста 4 ломатть и Рождественский НСШ-ста—4, комкстафт 1941 кизонди Всесо-

юзнай сельскохозяйственной выставкв участникокс. Инсарский районца шефта лувондови 321 ломань, конатнень эзда средний школаста 20-сь кемокстафт 1941 кизонди выставкв участникокс. 200 школьник вятихть шефства Игнатовский районца, 213 — Бовылкинский районца, 124 — Лямбирский, 144 — Атюрьевский.

Но аф сатомшкаста занимайдхть шефнень предворительный итогснон лувомаса Арда-товский, Теньгушевский, Сире-Синдровань, Сире-Шайговань райоттнень эса.

Юнай техниконь и натуралистонь районнай станциятненьди, комсомолонь райкомтненьди и ровотненьди эряви таникиге лувомс юнай шефнень работаснон предворительный итогснон и эрь шиня касфтомс синь лувкснон.

Республиканьконь эса лама юнай животноводтонок, конатнень улихть правасна молемс 1000 ломань лувксса Москву выставкв. Аныцек эряви занимадамс тя кизефксть мархта и оформить синь показателсьнон и кучемс ВЛКСМ-нь обкомти или юнай техниконь и натуралистонь республиканский станцияти.

Д. Григорьев.

КАЗЬФТ ПОХВАЛЬНОЙ ГРАМОТАСА

Тяде тонафнема кизонь-берьф пионерхне Волкова Матрена, Пронина Евдокия, Федоров Александр, Ермолаев Алексей, Волкова Дуна, Кондрашкин Миша, тонафнесть аныцек отличнайста и няфнесть школаса пример, кода дисциплинированный ученик. Синь паяк лездеть тонафнема фталу ляды ялгаснонды, активнайста участвоватность общественнай работатнень эса. Тейст ня тевне ашеть шоря,

штоба тонафнема отличнайста. Проверочнай испытаниятнень эса няфтеть кеме содамаши.

Морд-Козловский средний школасть дирекцияц синь казень похвальной грамотаса.

— Получадамк похвальной грамота—мьяргеть синь, —минь сай кизонянге карма-тама тонафнема аныцек отличнай отметка мархта.

Евг. Голосницкий.

Атюрьевский район.

АНОКЛАЙХТЬ СБОРОНЬ УРЯДАМАТИ

Сёронь урядама кампанияти анокламаса оцю рольсна колхознай кузнецнень. Од Пшенъ велень колхозса кузнец С. Щанкин, И. И. Якушкин ял-

гатне вишкста петихть сёронь урядамс эрavings машинатнень эса.

Аверкин.

Бовылкинский район.

Пионерский лагерь—трудовой школа

Састь кизонь пси шитне. Школьнике, аделамк сатфкс мархта тонафнема кизоть, тяде кармайтхть цебарьста этафнемот эсь каникуласнон.

Ламосна синь эздот кармайтхть ваймосема пионерский лагерьхнень эса. Синь эсост ваймамась ули этай кизотнень коряс сяда интереснай, сяда содержательнай.

Лагерьхнень эса пионерхне кармайтхть тонафнема трудти, саяхить трудовой навык. Самок лагери, итне кармайтхть оборудовать эсь комнатаснон, урядасыз лагерьт территориянц. Фкя валса азомс—работась лагерьса ули паяк цебарь. Синь итне кармайтхть обслуживандама эсь пряснон, тихть чистота комнатазост, тихть физкультураса и спорта занимандама физкультурнай площадка, караульный службанди васта и стак тов.

Ламон итнень эзда, кельгомок трудть, тонадсть цебарьста работама молоткаса, узерьса. Ня инструментнень мархта синь могут тиеме времен-


най сооружений, беседкат, эшелемс седият, тиеме ремонт лагерьнай мебельхненьди.

Лагерьнень работниктненьди, конатнень трудовой воспитаниять коряс работань вятемась ащи фкя инь важнай задачке, эрavings сяда смелайста кярмодемс ваймай итненьди строительнай порядкаса задачань максематненьди.

Ряпок тянь мархта итненьди эрavings маштомс эсь мельгаст якама, маштомс чистендакшнемс эсь одезаснон, эстетс ярхамбялень аноклама, посудань штама, продуктань аноклама, пенянь лавондома, ведень каннема.

Лагерьнай эряфть условияс теждяста и курокста можна саявомс лама полезнай трудовой навыкта.

Итне могут и должет пашкоткшнемс и общественнай полезнай работат ряпок ащи колхознень эса. Оцю работа могут этафтомс итне тишень урядамаса, велень хозяйствань культуратнень сору тишетнень эзда кочкомасост, а тафта жа



СНИМКАСА: С. Шайговский районца «Красная Поляна» колхозса водоемсь

Фотось Ивенинтъ

Водоемонь строямась

Атюрьевский районца лама комсомольский организация, а синь мархтост марса лама колхознай од ломань примосихть активнай участия колхознень эса водоемонь строямаса. Комсомолецне эсь личный примерсост мобилизовандакшнесаз од ломаттнень полезнай тевонь тиема.

Дм. Усадский сельсоветонь «Ударник» колхозонь комсомольский организацияс (секретарь Баштаков ялгас) 1941-це кизоня шувсь цебарь пруд. Тя прудсь кармайт каннема оцю доход колхознай хозяйствати. Сонь эсонза водендавихть калхт. Прудть перьфканза комсомолецнень инициативаснон вельде озафнефт шuftонят.

Аф калдыв кепоткст тя тевса няфни Морд. Козловкань комсомольский организацияс (секретарь Федоров ялгас). Тяса лама комсомолец оцю мялса марса аф союзнай од ломаттнень мархта шувсть эсь колхознонды цебарь пруд. Инициативнайста и дружнайста работаь строяф водоем «Якстерь тяште» колхозса. Тя работать этафтозв комсомолецне и од ломаттне.

ВЛКСМ-нь райкомс лихтьс решения, штоба маластонь пингть райцентрань комсомолецнень и од ломаттнень вий-

са строямс плотина. Ня работатне маластонь пингть ушедихть.

Но аф сембе комсомольский организациятне водоемонь строямань тевти максихть оцю значения. Тяфтамкс ащи «Пролетарий» колхозонь комсомольский организацияс) секретарь Татаровсь). Тяса улихть сембе возможностне строямс цебарь водоем, тиеме пруд, но комсомольский организацияс ня возможностнень колхознай хозяйствать кемокстаманцты использовандамаснон инкса кодамовок инициатива аф кепси.

Йофси тафтама жа положениась «Трудовой крестьянин» колхозонь комсомольский организацияс (секретарь Лущкина). А «Якстерь пакся» колхозонь комсомольский организацияс эсь собраниясонза лихнесь решения водоемонь строямать колга, но тя решениась лядсь апок пашкодть. Комсомольский организацият секретарец Поповсь практический тевонь тиемасть васте лама болтандай.

Азф комсомольский организациятненьди эрavings машфтомс эсь работасост тя паяк оцю аф сатыксть.

Воднай хозяйствась паяк ламода вишкшнесы колхознай хозяйствать касоманц. Черакшев.

МАСТЕР

Ламос аф юкстави комсомолецти Терушкин Димати 1939-це кизось, мзярда сон аделазе Харьковский машиностроительнай техникумть. Техникумса получась содамаши, а марса тянь мархта и получась самостоятельной эряфонди права. Тяка жа кизоня сонь кучезь работама Саровский машиностроительнай заводу. Мзярда кучезь сонь работама, кизефнезь, коса мялец работама. Сон ламос апок учентт отвечас: «Коза эрavingsхть тафтама специалистт, тоза и молян. Тейне аш кодане азомс, коса минь родинасонкаф сатнихть специалисттнень».

Ушедозе самостоятельной эряфть. Техникумсь нинге аф практический опыт. Теоретический содамашитнень мархта мезевок аф тиеви, кда синь апок сотт практический работать мархта. Тянь сон мзярдонга ашезе юксне, од специалистсь Терушкин комсомолецс кармасть пашкоткшнема мастеронь обязанность. Тевсь почетнай, но стака.

Виень апок ужальтть работась, тевти честнай отношениась максозь сембе условитнень цебарьста работамати. Од мастерть сменап ковста-ковс лувондови термический цехса инь передовойкс. Тянь колга корхтайхть сменаць фалу касы показателенца. Январьста производственной планонц сменаць пашкодезде 125 проценте. Трудонь тафтама оцю производительностьс сатф работать маштозь организовандаманц вельде. Лама пинге термический цехонь рабочайхне тушендеть обеденнай перерывс сембе. Тянь сюнеда мадондсть панакутне, конатнень кривастемаснонды эрavingsхнесь расходовандамс частонь.

Терушкин мастерсь тиезе лиякс. Тиезе станя, штоба афоль юмса частонь-частонь пингсь. Тянкас и обеденнай перерывнень пингста кадондовсь цеху фкя рабочай температурть поддержаниянц инкса.

Работань тя опытсь лувф цебаренди и сувафть цехонь лия сменатнень работас, конат тафта жа кармасть сатнема цебарь показателхть.

Тяда башка Терушкин ялгась цебарьста вань сжатый воздухть использовандаманц мельге, кона сидеста аф сатни цехса.

Малинов.

Темниковский район.

аф сложнай инвентарень (граблянь цингонянь) петемаса.

Эрavings максомс лезде од тонафнема кизоти школатнень анокламаса, теест учебно-нагляднай пособиань кочкамаса, школасть петемаса и стак тов.

Паяк увлекательнай работа кармайт этафневоме юнай радиолубительхнень ёткас. Паяк цебарь улець, кда синь итне ладялесь радиоть, тиельхть простой телефоннай связь. Тяфтам жа работа можна этафтомс маластонь ащи колхознень и рабочаень поселкатнень эса.

Фотографиять, авиомоделизмать, столарнай тевть коряс работатнень итне паяк кельсасыз. Сяс и эрavings пуроптомс любительский группат, конат могут тиеме ветродвигательхть, водокачкат, миниатюрнай электростанцият. Итне паяк интересовандайхть природать мархта знакомстваса. Тянь коряс эрavings лама тиеме минь краеньконь ископаемаензон содамаса, гербариянь кочкамаса. Итнень сембе ня коллекциясна, кочкаф материалсна лагерьда меле кармайтхть улема школатненьди цебарь учебно-нагляднай пособиакс.

Экскурсиятнень пингста паяк цебарь ули, кда итнень знакомондамс дорожной машинатнень и велень хозяйствань машинатнень—тракторть, комбайнать и синь работаснон мархта.

Эрь лагерьса эрavings тиеме машты киденди рабочай уголок, конат обеспечиндакшнесаз лагерьт материалонь (кагонь, картононь, металлонь и проводонь) запаса. Тяфтам уголокс ащи юнай техникненьди базакс, коса кармайт ётнема синь лагерьнай работасна.

Кода няеви, што лагерьса эряфсь итнень кядьста вешти труда работама, а сяс и итненьди эрavings таникивок тонафнемс элементарнай инструментнень мархта работамати, маштомс анокламс эстетс ярхамбяль.

Тафта ваймазь итне сай тонафнема кизоти кярмодихть од вийса, кочкайхть и лама трудовой навык, учебно-нагляднай пособиат, конат тейст кармайтхть эрavingsстома школаса.

Б. Бобров,

юнай техниконь и натуралистонь республиканский станцият директорц.

Комсомольский организациять работац

Минь «Красный партизан» молхозонь комсомольский организациясь 10 комсомолецт, конатненъ эзда ламосна работайхть колхозть хозяйственной тевонзон эса. Комсомольский организациять составоц пняк разнообразный: улихть колхозникт, служащайхть и учительхть. Сембесяка тя аф шорьси организациять работанц цебарьгофтоманцы. Комсомолецне, конат работайхть колхознай производстваса, нормаснон пашкотькшнесазь ламода велъф. Цебарьста ладяф массово-разъяснительнай работаь кода колхозникненъ, а стане жа синценъ комсомолецненъ ёткаса. Служащайхне вятнесть и вятихть оцю работа партиять и правительствать решенияснон колхознай массатненди азондомасост тунданъ видемать пингста. Ряцок производственной работатъ цебарьста молеманц мархта, минь комсомолецоньке тонафнесазь военной тевть, занимайхть физкультураса и спорта.

Тарасов комсомолецт звенац

Тарасов комсомолецт звенац пуроптф эсь пингстонза, нинге тьялонда. Сембе работац мольтеви планц коре. Тунданъ видемати анокламать пингста звенанъ четтне ускеть тейст кемокстаф участкаснон лангс лама местнай удобрения. Колхозса тя звенасъ лувондови инь передовойкс. Тунданъ видемать звенасъ ушедозе майть 5-це шистонза и аделазе майть 15-це шистонза. Кода няеви, видимасъ ётафтф нюрхкяня пингста и цебарь качества мархта. Звенанъ четтне няфнесть трудонъ оцю производительность, кона сатф социалистический соревнованиять велде. Оцю показателень няфнемаса кепотьксонди ащи звеньеводс Тарасов ялгасъ. Работамок плугарькс, сон норманц пашкотькшнезе 180 процентс. Ваномок сонъ лангзонза, Кошкин ялгасъ витпесъ нормать коряс 5 гектарть васте 7,5 гектаронъ эрь шиня, лиякс мярьгомс выработканъ норманц пашкотькшнезе 150 процентс. Аф калдывста работасть и лиятневок.

Звенасъ эсь участказонза видесъ разнай культурат: Пинемда 25 гектар, Сурода 8 гектархт, Снавда 2,5 гектархт, Модамарьда 4 гектархт, Кавьфта 4 гектархт, Урожайда арьсёви получае средняяста звенава 13,5 центнер.

Строятама водоем

Водоемонъ строямаса работать ушедосък июнь 1-це шини

эзда сявомок. Тя тевса работайхть 6 комсомолецт и лама аф союзнай од ломань. Строямать пингста комсомолецне няфнихть стахановский работанъ кепотькст сембе аф союзнай од ломаттненди. Саты азомс аныцек ся, што комсомолецне эсь нормаснон пашкотькшнесазь 2—4-нь крда, то сави верондамс, што водоемъ строяманц аделасасък планцонк азф срокти, июнь 25-це шиницты самс. Комаров комсомолецъ ускеси мода. Норманц пашкотькшнесы 300—400 процентс эрь шиня. Луконин комсомолецъ ровналгофты модать, норманц пашкотькшнесы 200 процентс. Эряви азомс, што лия комсомолецневок работайхть колхозти полезнай тевса сембе вийнь путозь. Седов и Тупичкина комсомолецне эрь шиня нормаснон пашкотькшнесазь 200-тта лама процентс. Вятёви оцю массово-разъяснительнай работа водоемонъ строяй од ломаттненъ ёткаса.

Озафтсть сисемь

сатт

Минь колхозоньке тядненъ кизоня озафтс 200 плодовой шuftа. Тя работатъ эса комсомолецне примосесть инь активнай участия. Тянненъ пингть арьсёяма комсомолецненъ и аф союзнай од ломаттненъ вийса озафтомс колхозти нинге лама плодовой шuftт.

7 комсомолецт эсь приусадебнай участказост озафтсть сатт, конатненъ эса 30—50-нь плодовой шuftа. Тя касфесы синь хозяйстваснон доходностьснон.

Массово-разъяснительнай работась

Массово-разъяснительнай работатъ комсомольский организациясь лувондсы эсь работасонза пняк важнаенди. Сяс и тунданъ видемать пингста ламоц комсомолецненъ эзда, работамок паксаяса, вятёсть оцю работа колхозникненди газетанъ лувондомаса, беседанъ тиендемаса. Ульсть тифт докладт международнай положенианъ кизефксненъ колга. Регулярнайста нолневсть бригаднай стенгазетатне.

Сембе комсомолецне примосесть активнай участия займать реализацияса. Синь азондозь колхозникненди, ков молихть ня средстватне. Тянь вельде успешнайста ётафтовсь займать лангс сёрматфомасъ.

Орехов,

ВЛКСМ-нь комитетть секретарец.
Ковылкинский район.


«Тон азсак тейне, оцяй, шятыта, Мес Москуть марнек толса шятыфста, Французти максостъ тинць?»
Вдь улэндеть эста пизепт кивинь, Да, корхнихть, конашкава вийхть! Аф стак сонъ лятфнесы Россиясь—Бородинанъ бойть шинц!»
— Да, тyani стамот аяш тиньцонт.
И ломатть эста ульсть минь пингстонк! Аф лапонтт—богатырьхть!
Но аф, синь долясна аф шнави: Ся бойса лама эздост шавовсь... Дяль уле тинди волясь шкайнь—Вдь Москусь ульель киртьф.
Мекпотаманьке кяшненъ сафнесъ, Минь мяленьке ульсь—бойть срхкафтомс!
А аятне:—Минь мес?
Аль мялезост синь лядеть квартирхне? Аль пелихть нинге командирхне Французонъ сязендемс мундирхненъ Минь, рузонъ, штыкненъ пес?—И вов минь муме кели пакся: Миньдейнек воляль тоса яксемс! Редутста кепсесъ пуль.
Минь пиленеке стидот валда И пушкаты ланга пиндолдс валдоц, Шинянь,—сон кеподс виреть фталда.—Французне тязк прокс ульель.
Мон пушкаты потмос эчень ядрат И арьсень: Каваняса ялгаты!
Мусе брат, учть пингть самс: Аш местъ нюрксемс, ёжу мялям, Сак бойс; минь варжатадызъ тьяламс Эсь моданкса мяль вирекс веламс, Тюрхтыма пряньконъ прамс!
Вов кафта шит ни каршек ляценьф, Но тевсь изъ моле аapak эцек, Шить, колмоцетъ, самс киртьф. Перфпьяльге келес кулевсть речне: «Сась пинге ушедомс картечненъ!» И паксать ланга, косот ляцьфне—Весь кошмак лапоцъ цильф.
Веньберьф лафетать ваксса улень. И варьхмодемать самс мянь кулевсь,—Гулядондасъ французсь.
Но адемвастонекс сетемось: Минь эздонк кона кивер петнесъ, А кона шовасъ штыконт, петнесъ, Эсь кяжда сускондс усть.
И аныцек валдомс менель морясь,—

БОРОДИНО

М. Ю. Лермонтов.

Шумназевсть сембе, фкя-фкянь шорайхть, А врагс сай стройса сей.
Полковниконьке—толса калыфсь Ульсь эрь солдатти бта алякс, Минь кельгосък сонъ и пняк ужалесък. Но шавовсь, прокс аф стай.
Сон азозе эсь мельденъ валонц: Цёрат! Москуньке вдь фталонк!
Имамс, но Москуть тейс, Минь братьяньке кулсесъ тьяфта!»—
— И максоме минь вернай клятва. Эсь, верностеньконъ ашесък прафта.
А кандосък честень тевкс!
Ну ж ульсь шиня! Дуцякс срадс качамс Французне ёрамазь минь фатымс Ардсть ширенк, кепсесъ пуль.
Улаттненъ пиндолгодсть значоксна, Драгуттненъ пулот вазьснон бокса Синь ардыхть, кепотьфт ни клиноксна, Синь сембе минцонк ульель.
Аф няемс стама бой тиндеентъ!.. Минь знамяньке цильфокс лиендсть.
И качамть срафтс тол-валдс. Прокс ёндохт—пиндолдсть кепсеф мечне, Вжназь и вяшкось лийсть картечне. Мянъ ядратненъге кирнесъ ляцьфне—Марс мараф теланъ пандс.
Ся шиста врагтьке пиялец валяф. Вов мезе значит бойсь—удалафсь Минь, рукопашнай бойсь!..
Прокс мяштс седисъ—шерьхкондс модасъ, Шавф лишмот, ломатть—шовор ёрдафт, И тежянь пушканъ залпне кодавсь—Фкя, кувака ойксс.
Прокс шоподс. Учемс савесъ шудавас, Штоб танга мархтост бойть уставамс И тюремс та илядс...
Но дуборгодсть вов барабяттне—Тустъ меки потазъ басурматтне: И эста лувосък куломс прафненъ.—Мзяра ялгат лядс,
Да, и ломатть ульель вдь эста минцонк! Аф мумс синь лапост тyani тиньцонт: Геройхть ульель—богатырьхть Но аф синь долясна аф шнави: Ся бойса лама ломанъ шавовсь, Дяль уле тинди волясь шкайнь. Вдь Москусь ульель кирдьф.

Йотафтозе Г. Пьянзин.



СНИМКАСА: Лермонтовъ кудняц Пятигорскийса.

Фотохроникась ТАСС-ть.

120 заявления

Ровна 10 частса ушесъ ФЗО-нь школав учениконъ примамасъ.

Вов ащи призывной комиссияс Красинть лемса колхозть первичнай комсомольский организациянц секретарец Логинов ялгасъ.

— Сярядят кодамовок урмаса?—кизефнесы врачсь.

— Аф.

Врачсь сонъ ванондозе сембе ширде и мярьгс:—Шумбрат.

Логинов ялгасъ примаф тонафнема ФЗО-нь школав.

— Монъ кунара нинге мялезель улемс цебарь специалистокс. Тyani максайне сембе способностенень, штоба сатомс тя профессиять.

Рыбкинский району ульсь максф 83 васта, а 120 ломанъ максесъ примамаснон колга заявления, конатненъ эзда 95 ломантъ пашкотьфть аняльксина.
Ив. Почтов.

Ваймайхть отличнайста

Каникулатненъ эрявихть ётафтомс стане, штоба эрь школьники максолхть оцю польза. Штоба эрь школьникс кемокстальхце физический виенц и касфтолезе эсь содама-шинц.

Тяфта кармайхть ваймама лама школьник. Вов, например, Малавонъ средний школаста (Рыбкинский район) 9-це классонъ ученикс Дорожкин Ванясь.

Сон кизоньберьф тонафнесъ аныцек отличнайста, тyani кармай полезнайста ваймама: работай юннатонъ кружокса, лувонды лама художественнай литературада, занимайф физкультураса. Тяфта ваймайхть Од Выселканъ средний школаса (З-Полянский район) 9-це классонъ ученикс Бархошкин Васясь и Сире Дерган велень НСШ-нь (Рыбкинанъ район) 7

классонъ ученикс Атишев Павелс. Максомок проверочнай испытаниятненъ аныцек отличнайста, тyani ваймайхть разумнайста. Кармайхть занимайф спорта, лездомс колхозти тонафнема эсь велеснон, районцон. Сай тонафнема кизоти сайхть козя впечатления мархта, свежай вийса.
Сараев, Ачапкин, Лобурев.

Юннаттень работасна кизонда

Сембода пяк вишкомсь юннаттень работасна кизонь каникулаттень пингста, мзярда пингстон инь оцю пяльксон максеве школать видеса опытно-показательнай участкасост работати. Мокшень Пашадонь средний школать юннаттне переснон эса касфтыхть разнай имешти зерновой культурат.

Юннаттне Чушкаевсь, Дворецкийсь и Кяшкинць видесть культурнай растениянь видьмот. Ячменць, конань видеде Кяшкинць, лиссь лия культуратнень коряс сяда инголи и сяда цебарьста. Юннаттне нязь эсь опытсост, што яровизированнай видьмось лиси 4 шиди сяда инголе.

Биологиянь преподавательть Мироновть руководстванц ала юннаттне микроскопонь пачк вагондсазь и тонафнесазь растительнай и животнай клеткаттень строенияснон. Миронов ялгась этафтесь лама беседа лекарственной растениятнень колга. Тя тевса активнай участия примоси пионерский организациясь. 5—6 классонь ученикне касфтыхть перень сёрот аф анычек школьной участваса, а эсь пересостка.

М.Пашадонь средний школань юннатонь кружоксь тердесе цебарь растениянь касфтомаса Пурдошанский средний школань юннатонь кружокть социалистический соревнование, конань нинге сяда пяк цебарьгофтсь юннаттень работаснон.

В. Кирдяшкин.
Пурдошанский район.

ЗАОЧНИКНЕНЬ ВЕЧЕРСТА

Пединститутонь клубса июнь 15-це шистонза ульсь вечер, конань лемптьфоль институтонь заочникнень васфтемаснонды.

Вечерса ульсь Мордовиять сембе районзон эзда заочникне. Приветственный вал азесь заочнай институтонь директорсь Шатунов ялгась. Сон корхтась Мордовиясь заочнай тонафнемать состоянианц колга. Заочнай институтсь кода организовандаф нолдась 450 высококвалифицированный работник. 1941 кизонь январь 1-це шинцы заочника лувондови 991 ломань, сий эздост 59 выпускник. Лядыкс 931 ломанць максеть аф калдыв показательхть. Шатунов ялгась азозе, што кизонь на сессиятне максыхть нинге сяда оцю показательхть. Од учительхне тюрхить накаттень основаснон тонадомаснон инкса. Тя кизонь заочнай институтсь нолдай тага 100 од учитель.

Но на учительда башка, конат ёрасазь касфтомс эсь квалификацияснон, улихть 539 заочник, конат анычек спискаса лувондовихть.

Аттестационнай комиссиясь Мордовиясь нолдась 290 ломань неполнай средней шко-

лава работами и 50 ломань-средний школав, стама условия, штоба сий аделалезь институтть заочна. Калдыв ся, што на ялгатне аф ашихть заочникос.

Заочникнень тифт учебнай од платт.

Сяда тов Шатунов ялгась корхтась Чувашский заочнай институтть мархта соревнованиять колга. Йотай кизонь Саранский заочнай институтсь сатнезе васенце вастть. Сон тердезень заочникнень, штоба тя кизонянгс сатомс васенце вастть.

Приветственный валда меле корхтась учительхне. Сий корхтась заочнай тонафнемать квалификациянь касфтомаса пяк оцю роленц колга.

Выпускниксь Аношкин марьгсь: «Мон сяван эсь лангосонь обязательства максом государственнай экзаменттень и тернесайне сембе заочникнень тиес монь примерозень коряс».

Вечерса ульсь няфтьф художественнай часть—выступалась Мордовский государственнай капеллась.

Черашев.

Саранск ош.

ТЕАТРАСЬ ТУЙ ГОСТРОЛЬС

Июль ветеце шистонза Мордовский драматический театрась туй Мордовский республикань райоттнен эзга гострольс.

Июль ветеце шистонза сявонь август ковть васенце шинзонды модемс театрась кармай работами Инсарса, коса няфтьсавь райцентрань трудчайхнень «На дне», «Дядя

Ваня», «Ссоры и раздоры в Кюдж», «Сашка» «Кто смеется последний», «Страшный суд», «Сады цветут», «Лес», «Поздняя любовь», «Падь серебряная» и лия постановкаттень.

Инсарада меле театрась кармай работами Рузавка ошса. Гострольхне кармайхть мольфетовома кафтошка ковонь пингс.

А. Беляев.

ЕВРОПАСА, АФРИКАСА И АЗИЯСА ВОЙНАСЬ

(17-це июньта военной действиятнень дневниксна)

Германский авиациясь, корхтати германский командованиять сводкасонза, бомбардировандась кой-кодама портт Англиять юго-западной и юго-восточной побережьясонза, а стане жа Шотландиять восточнай побережьясонза. 17-це июньнь карша веть германский бомбардировщикне ёрдасть бомбат несколько английский аэродром лангс.

16-це июньта шить, азондсь Рейтер агентствась, английский бомбардировщикне стаки вешендезь и панцесть германский суднаттень мельге Германиять и Голландиять берячснон видеса.

17-це июньнь карша веть английский авиациясь тись налетт Рейнский и Рурский областтнень промышленнай централон лангс. Главнай ударсь ульсь ладаф Кельнть и Дюссельдорфт каршес.

Севернай Африкаса, Соллунть районца, молихть пяк вишке сраженият. Бойхнень эса участвондайхть кафцьке ширеттень крупнай вийсна. Английский командованиять сводкасонза корхтати, што операциятне молихть Соллунть эзда юг и юго-восток ширеса. Азондови стане жа, што англичаттне занязь Калупцо пунктть и атакондасазь германский и итальянский вой-

скакттень позицияснон Хальфаи пандонь проходть районца.

Военный действиятнен эса активна участвондай воявай ширеттень авиациясна.

Восточнай Африкаса, Абиссиниясь, мезевонь существеннай ашель.

Сириясь, Рейтер агентствать сообщениянц коряс, французский войскакттень сопротивлениесна касонды саянь коряс, кода сяда фталу странати паштыхть англичаттне. 16-це июньта, корхтати Гавас—ОФИ агентствать сообщениясь, французский войскактне, конат мольфтихть операцият Сириясь, этасть контраступлениясь. Агентствать валонзон коряс, пяк вию бойда меле французне меки сявонь Мерджаунть.

Французский войскакттень контраступлениясь моли кафта районца: Изра-Шей Нескинть шири и Эль-Кунайртть шири, кить лангса, конань моли Сафогста Дамаску.

Рейтер агентствать сообщениянц коряс, холмистай вастсь и фруктовой саттне, конат ашихть Дамаскт юго-восток ширесонза, шорайхть английский войскакттень операцияснонды.

Ливанть побережьясь, Сайда районца, англичаттнен

военный корабльсна, лездомок сухопутнай вийхнень действияснонды, бомбардировандасазь французский укреплениятнен. Французский жа сообщениятнен коряс, французский морской авиациять действиянзон эзда английский флотти савь тумс сирийский побережьять эзда.

(ТАСС).

ВОЙНАТЬ ЭСА КАНАДАТЬ УЧАСТИЯЦ

Кода азондсь Рейтер агентствась, Англиясь канадский корпусъ командующайц генераль Макнон радио вельде азозе, што тиянень пингть 250 тежянь канадец ашихть армиясь. Нятнен эзда 60 тежянь ломанць ашихть Англиясь канадский армейский корпусъ эса. Тяда башка, тя кизонь Канадась прважамс Англиясь военной материалхт и всякай боеприпаст, а стане жа сырья и сельскохозяйственный продуктат 300 миллионда лама фунт стерлингонь питне общай суммаса.

(ТАСС).

„Русалка“

«Русалка» оперась Саранскийсь путневсь ламоксть. Кржа стама ломаньда, конань сонь ашезе няе. Аф ваномок тьян лангс, июнь 16-це шистонза летний театраса сембе васттне заняфтольхть. Оцю мялса састь Саранскийнь трудчайхне музыкальной училищань студенттнен-выпускникнень отчетнай работаснон ванама.

Сетьмоть колазъ «Русалка» операть увертюрань вию звукоза. Панжесъ занавессь: сценать лангса ризназь ащи мельникть стирец. Лиссь мельниксь и сюди стиренц эса, мес ашезе кулхонда сонь, и эсь воля кельгозе князь, конань тонадсь анычек стирень васкафнема»...

Мельникть стиренц роленц налкхсь Морозов студенткась. Сон васень актсакиге эсь кржаста максф переживаниянзон мархта фатасыне зрительхнень седиснон. Зрительсь нийсь, кода стирсь переживает, мзярда тусь кельгомняц (князь) битвас.

Но кой-кона васттнен эса Морозовъ улихть аф сатыксонза. Аф удачнайста няфтезе, мзярда князь эздонза тусь. Сон тись аф точнай движеният; кой-коса переживаниятневок аф вернайхть, аф жизненнайхть. Кой-коста вайгялец аф ладий.

Инь удачнайста няфтезе мельникть образон, конань налкхозе Чистовсь. Тя сембода стака образсь, но сонь сталмонц Чистовсь сяськозе.

Мельникть образонц эзда няеви, кода аляц пичеди павазфтома стиренц инкса, конада питни белай светса тейн-

за аш. Но сяка пингть Чистовти няфтезе, кодама жаднай мельниксь ярмакненьди.

Сембода виюста Чистовсь налкхсь колмоце действиятэса, мзярда мельниксь ащиталисьфста якай вирьге няе. Зрительсь ваны сонь эрь движениянц мельге.

Аф пяк удачнайста налкхозе князь роленц студентсь Сорокин. Вайгялец (тенор) ламольсь, но тейнза ашестьяфтев правдивай движеният. Князь трагический положенияс: сон кельгозе мельникть стиренц седиавкаса, а простой крестьянкань лангс рывьямсапельхть праванза и тьякса савсь кадомс сонь и рывьямс княжнань лангс. Тя пяк вию трагичнай картина, но Сорокинть цебарьста ашезь няфтев.

Нльне эста, мзярда стирсь каясь пря ведти и арась русалкась, князь стирть каяма вастозонза усекс («сонцьне аф содасы») кати-кодама «волшебнай» вий и сон васеди ёнда лисф мельникть мархта. Сорокинонди тьяса ашезь мажсов кодамовонь волнения, аш стама кржка переживаният. Виде, кой-кона васттнен эса сон налкхсь аф калдывста: пяк лац налкхсь лийть берякса, мзярда ушеды мобрамост эсь переживаниянзон стирть колга, што сонь мархтонза ульсь анычек волянай, седиавкакань кельгома. Таса движениятневок правильнайхть, точнайхть, свойственнайхть.

Княгинянь роленц налкхозе Рунковась, хоть рольсь ульсь аф ведущай, но няфтезе аф калдывста.

Аф лувомок кой-кона аф сатыкнен, постановкась зрительхнень мялс пяк тусь.

А. Самко.

Саранск.

ШКОЛЬНИКНЕНЬ ЛЕЗКСНА

Оцю польза максыхть школьникне кизонь каникулаттень пингста эсь колхозснонды. Сий колхозникнень мархта марса кармайхть работами производствань разнай участкава.

Мокшень Пашадонь средний школаста лама ученик ушедеть ни работами колхозса. Стирнятне-комсомолкатне: Цыбизова Аннась, Кяшкина Натальясь и лиятне организовандасть од ломанень звенат, конат максихть оцю лезкс сёронь кочкамакса.

Чепанов Степанць организовандасть группа, конань колхознай жувататтнень кармай аноклама силос. Чепановсь и Юшинць ётай кизонянгс каникулаттень пингста занцесть колхознай производстваса ингольдень ряттень.

Колхозса работамать мархта рячок сий касфнесазь содама-шиснон художественнай и политической литературань лувондозь.

Вас. Кирдяшкин.
Пурдошанский район.

Ответ. редакторсь
И. ЧУДАЙКИН.